

**Inatsisartut aaliangiiffigisassaattut siunnersuut Naalakkersuisut peqquneqassasut aningaasanik immikkoortitsinissaannik persuttaanerup minnerunngitsumillu angerlarsimaffimmi persuttaanerup akiorniarnissaa ersarissumik anguniarlugu, inuiaqatigiinni 2025-mi persuttaanerit amerlassusaat ullumikkumut sanilliullugit 25 procentimik apparsimassasut. Paasisitsiniaaneq kingusinnerpaamik 1. august 2022 aallartinneqassaaq 31. december 2024-ip tungaanut ingerlanneqassalluni.**

*(Inatsisartunut ilaasortaq Anna Wangenheim)*

pillugu

## **Ilaqutariinnermut Peqqissutsimullu Ataatsimiititaliap**

### **Siunnersuutip aappassaaneerpeqarnerani**

#### **ISUMALIUTISSIISSUTAA**

Ataatsimiititaliap sularinninnermini ukuninnga inuttaqarpoq:

Inatsisartunut ilaasortaq Agathe Fontain, Inuit Ataqtigiit, siulittaasoq  
Inatsisartunut ilaasortaq Anna Wangenheim, Demokraatiti, siulittaasup tullia  
Inatsisartunut ilaasortaq Mikivsuk Thomassen, Inuit Ataqtigiit  
Inatsisartunut ilaasortaq Knud Mathiasen, Inuit Ataqtigiit  
Inatsisartunut ilaasortaq Mette Arqe-Hammeken, Naleraq  
Inatsisartunut ilaasortaq Jess Svane, Siumut  
Inatsisartunut ilaasortaq Mala Høy Kukò, Siumut

UKA2021-imi ulloq 20. oktober 2021-imi siullermeerinerup kingorna siunnersuut ataatsimiititaliap misissorpaa.

### **1. Siunnersuutip imarisaa siunertaalu**

Persuttaanernut suugaluartunulluunniit akiuniarluni ersarissumik annertuumillu paasisitsiniaasoqarnissaa siunnersuuteqartup aalajangiiffigisassatut siunnersuutikkut matumuunakkut sulissutigerusuppaa, siunnersuummilu inuusuttut 15-t 30-illu akornanni ukiullit anguniarneqarput. Paasisitsiniaanissaq suliniutinut pioreersunut tapertaasussasut isumaqarfigineqarpoq. Siunnersuuteqartoq naapertorlugu paasisitsiniaaneq inuit attaveqatigiittarfii soorlu Facebook aamma Instragram aqqutigalugit siammasinnerusumik

isaassisinnissaq anguniarlugu ingerlanneqartariaqarpoq, tamatumalu saniatigut inuit siusinnerusukkut persuttaasarsimasut tamatuminnigali qimatsisimasut maligassiuisut atorneqarnerunissaat sammineqarnerusariaqarpoq.

## **2. Siunnersuutip Inatsisartuni siullermeerneqarnera**

Siunnersuut partiinit tamanit tigulluarneqarpoq, Naalakkersuisullu allannguutissatut siunnersuutaat siunnersuummi matumani ataatsimiititaliamit suliarineqassalluni.

## **3. Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq, aalajangiiffigisassatut siunnersuutip piviusunngortinneqarnerani aningaasatigut allaffissornikkullu kingunerisassat siunnersuutip tunngavilersorneqarnerani allaaserineqassasut.

Siunnersuutip piviusunngortinneqarnissaanut aningaasatigut kingunerisassai matumani allaaserineqarsimaneranut naapertuuttoq, taamaalilluni ukiuni 2022, 2023 aamma 2024-mut 1 millioninik akeqarnissaa missiliorneqartoq ataatsimiititaliamit tusaatissatut tiguneqarpoq.

## **4. ataatsimiititaliap siunnersuummik suliaqarnera**

Aallarniutigalugu ataatsimiititaliamit tikkuarneqassaaq, siunnersuutaqaartup imarisaa Naalakkersuisullu allannguutissatut siunnersuutaat assigiinngissuteqarmata:

Siunnersuutaqaartooq imaappoq:

*” Inatsisartut aaliangiiffigisassaattut siunnersuut Naalakkersuisut peqquneqassasut aningaasanik immikkoortitsinissaannik persuttaanerup minnerunngitsumillu angerlarsimaffimmi persuttaanerup akiorniarnissaa ersarissumik anguniarlugu, inuiaqatigiinni 2025-mi persuttaanerit amerlassusaat ullumikkumut sanilliullugit 25 procentimik apparsimassasut. Paasisitsiniaaneq kingusinnerpaamik 1. august 2022 aallartinneqassaaq 31. december 2024-ip tungaanut ingerlanneqassalluni.”*

Allannguutissatut siunnersuut imaappoq:

*”Qanigisariinni nakuuserneq akiorniarlugu iliuusissanut pilersaarummik ineriartortitseqqullugit atortuulersitseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissanut pilersaarut nakuusernerup pitsaalioneqarnissaanik ukkassissaaq aamma ukiuni tulliuuttuni tallimani nakuusernerit amerlassusaasa malunnaatilimmik appartinneqarnissaat erseqqissumik siunertarissallugu.”*

### **4.1 Apeqquteqaat**

Ataatsimiititaliap siunnersuummik suliarineqarnerminut atatillugu apeqqutit arlallit allakkatigut akineqarnissaat Meeqqanut, Inuusuttunut Ilaqutariinnullu Naalakkersuisumit qinnutigaa. Akissuteqaat isumaliutissiissummut matumunnga ilanngussatut ilanngunneqarpoq. Apeqquteqaammi siunnersuutaaqqaartup allannguutissatullu siunnersuutip assigiinngissusaannik paasiniaaneruvoq.

#### **4.1.1 Persuttaattarnerit amerlassusaasa appartinneqarnissaat**

Suliniutigineqartup sunniutaa uutturuminaassinnaasoq Naalakkersuisut akissuteqaataanni allassimavoq, iliuusissatulli pilersaarutip suliarinerani suliniutini assigiinngitsuni sunniutit uuttorneqartarnissaat qanoq naapertuunnerulersinneqarsinnaanera pillugu eqqarsaatersuutigineqaqquneqarpoq, matumani ilanngullugu aallaqqaataaniit uuttuisinnaaneq.

#### **4.1.2 Iliuusissatut pilersaarummi sullinneqartussat**

Iliuusissatut pilersaarummi suliaqarnermi qanigisariinni, inuusuttuni angajoqqaanilu persuttaattarnerup immikkut sammeneqarnissaa Naalakkersuisut kissaatigigaat akissuteqaammi allassimavoq, sullinniakkanili 15-iniit 30-inut ikiullit iliuusissatut pilersaarummi ilaatinneqarnissaat siunnersuuteqartup kissaatigaa.

#### **4.1.3 Inuusuttuaqqanut suliniutit**

Iliuusissatut pilersaarummi inuusuttuaqqanut suliniutit attuumassuteqartunik peqateqarluni aammalu ilisimasat atuuttut aallaavigalugit siunnerfilimmik suliniutit ingerlanneqassapput.

#### **4.1.4 Suliniutit assigiinngiiaartut**

Persuttaattarnernut assigiinngitsunut suliniutit assigiinngitsut iliuusissatut pilersaarummi ilanngunneqassasut Naalakkersuisut akissuteqaataanni allassimavoq. Paasissutissanik siammarterineranut periarfissat assigiinngitsut atorneqassasut ilaatigut inuit qarasaasiakkut oqallittarfii atorneqassapput.

#### **4.1.5 Allannguutissatut siunnersuutip akuerineqarneratigut aningaasatigut allaffissornikkullu kingunissai**

Siunnersuutaaqqaartumi 2022-imut, 2023-imut aamma 2024-imut ukiumut 1 million kr.-t missaannut missingerneqarsimavoq. Allannguutissatut siunnersuutip akuerineqarneratigut piffinni assigiinngitsuni suliniutillu akimorlugit aningaasatigut allaffissornikkullu pingaarnersiuisoqassasq Naalakkersuisut oqaatigaat.

### **5. Sassartitsineq**

Sermersooq Kommuniani Nuummi Qimarnguimmi sulisut sassartinneqarnissaat Ataatsimiititaliamit sulissutigineqarpoq. Sulisut isaannit isigalugu siunnersuutip imarisaanut tusarnissaat siunertarineqarpoq. Kommuneqarfik Sermersuup maannakkut suliniutigineqartut, nunanik allanik suleqateqarneq aammalu suleqatigiinneq siunissamilu pisariaqartinneqartut pillugit sassartitsineri sulisunit paasissutissiissutigineqarput.

Persutaasernerit suogaluartulluunniit sammineqartuaannarnissaat suliniutillu ersarissut pilersaarusiorneqartussat, ingerlanneqarnissaat kommunilu suleqatigalugu nalilersorneqartarnissaat pisariaqartoq pingaarnertut oqariartuutigineqarpoq. Persuttaasernerit tamarmik naatsorsorsueqqissaarnerni ersinneq ajorput, taamaattumik nuna tamakkerlugu suliniuteqarnissaq pingaaruteqarpoq. Ataatsimut isigalugu najukkani suliniutinut amerlanerusunik aningaasalersuisoqarnissaa pisariaqartinneqarpoq. Persuttaasernerup akuerineqannginneranut oqariartuuteqartoqarnissaa ataatsimut isigalugu pisariaqartinneqartoq sulisut oqaatigaat. Ilinniarsimallutik sulisut attaveqaateqarnissaat oqallittarfeqarnissaallu aamma pisariaqartinneqarpoq. Arnat persuttaasartumik aappaqarunnaarsimasunik maligassuisoqarnissaa immikkut pingaaruteqartoq misilittagaqarfigaat.

## 6. Ataatsimiititaliap inassuteqaatai

- *Ataatsimiititaliami amerlanerussuteqartut Inuit Ataqtigiit aamma Naleraq Naalackersuisut allannguutissatut siunnersuutaat akuerineqassasoq inassutigaat*
- *Ataatsimiititaliami ikinnerussuteqartut Siumut siunnersuutaqqaartoq akuerineqassasoq inassutigaat imaattumillu ikinnerussuteqarlutik oqaaseqaammik saqqummiussillutik:*

### ***Siumut:***

*147-mut tunngatillugu ikinnerussuteqartuusugut Siumut imaattumik oqaaseqaateqassuugut.*

*Naalackersuisut allannguutissatut siunnersuutaannut ullormik ukiummilluunniit taasiffiunngittumut ilaliisinnaanata Siumumiit oqaatigissuarput.*

*Siunnersuuteqartup ulloq ukiorlu taallugu aammalu ukiunik taasaqarluni tulliuuttuni persuttaasernerup appariartuaartinneqarnissaa piviusorsiorlutut isigigatsigu tamakkiisumik taperserlutigu.*

*Persuttaasarneq persuttaatnerlu sakkortusiartortoq ulluinnarni inuunermut meeqqanut ilaqutariinnullu ajortumik sunniuteqartoq piaartumik iliuseqarfifigineqartariaqartoq Siumumiik isigaarput.*

- *Ataatsimiititaliami ikinnerussuteqartoq Demokraatineersoq allannguutissatut siunnersuummik saqqummiussaqaarpoq, tassungalu atatillugu ikinnerussuteqarluni imaattumik oqaaseqarluni:*

*Siullertut nuannaarutigaarput siunnersuutip Naalackersuisunit naaperiaaffigineqarsimanagera. Siullermeerneqarnermi tunngavilersuutigineqartut aallaavigalugit apeqquteqaasiortoqarsimanageralu akissuteqarfifigineqareermermi kingorna, ersersinneqarpoq siunertamut isumaqatigiittugut. Taamaattorli isumaqatigiiffiginngilarput piffissaliusseq, taamatullu siunnersuutip qulequtaa aallaavigineqarnani suliniartoqassappat. Tassami siunnersuutip siunertaraa, oqaasertalerneqarlunilu angerlarsimaffinni pinnaveersaartitsineq aammalu uuttortarneqarsinnaasumik suliniutinik tigussaasunik pituttuisaqartugut. Naalackersuisulli allannguutissatut siunnersuutaani ullulerneqanngilaq qaqugu suliniut aallartinneqassanersoq taamatullu nakuusertarnerup*

*pinaveersaartinnissaanut tigussaasumik uuttorneqarsinnaasumik appaanissamat pituttuisoqanngitsoq, aammalu oqaaseq "angerlarsimaffimmi" qimallugu "qanigisariit"-nut taarsiunneqarami. Naalakkersuisut akissuteqaatiminni tunngavilersorpaat nakuusernarnerup pinaceersaartinniarlugu uuttuutit ajornakusoorsinnaasut, kisiannili akissummi allami oqaatigalugu uuttuutit atorlugit meeqqat inuusuttullu peqqissusaat uuttortarneqarsinnaasooq. Taassumap saniatigut allannguutissatut siunnersuumi inuiaqatigiinnut paasititsiniutissaq qimanneqarsimavoq, tamannalu inuiaqatigiinnut pisariaqarluinnartuusooq nalilerparput.*

*Taamaattumik allannguutissatut siunnersuuteqarnerat tunngavissaqarsorinagu ikinnerussuteqartumik oqaaseqannginnitsinni ataatsimiititaliaq allannguutissatut siunnersuummik saqqummiussisinaanera qaqqinneqaraluarpoq, tamannali ataatsimiititaliami amerlanerussuteqartunit naaperiaaffigineqarusunngitsoq erserpoq. Kissaatigigaluarparput siunnersuuteqartup qulequtsiussaa Naalakkersuisullu allannguutissatut siunnersuutaalu imminnut qanillattorneqartissinnaagaluartut, taaamaalilluni taasissutigineqartussa q nalorninangitsumik inissinneqarniassamat. Demokraatiniit ajuusaarnartutut isigaarput suliniut taamak pingaaruteqartigisoq, erngertumillu tigussaasumik iliuuseqarfigineqartariaqartoq politikikkikut naaperiuutigininarneqannginnera. Demokraatiniit uggoraarput susassaartunit pulaartoqarsimanerup tigussaanerumik aamma tusaaniarneqanngimmat, taakkumi ersarilluinnartumik oqariartuutigivaat angerlarsimaffimmi suliniutissat aamma avaaqqunneqarsinnaanngitsut, minnerunngitsumillu tigussaasumik suliniut aningaasalersorneqarnera ulluinnarni susassaartunut tutsinneqartariaqarnerat pisariaqassusaa, qitiusumiit pinaveersaartitsineq pisarnertut ingerlaananginniassamat. Taamaattumik inatsisartut kissaatigaakka allannguutissatut siunnersuummik qaqqitsinerput taasiffigisinnaassappassuk, qulaani tunngavilersuutigisanni inuiaqatigiinnut sunniuteqarluartussamat pingaaruteqaqimmat.*


*Allannguutissatut siunnersuut, sulilu naaperiutigerusullugu ima oqaasertalerusupparput:*


*"Angerlarsimaffimmi inuillu akornanni nakuuserneq akiorniarlugu iliuusissanut pilersaarummik ineriartortitseqqullugit atortuulersitseqqullugillu Naalakkersuisut peqquneqarnissaanik Inatsisartut aaliangiiffigisassaattut siunnersuut. Iliuusissanut pilersaarut nakuusernerup pitsaaliorneqarnissaanik ukkassillunilu paasititsiniutaasooq, aamma ukiuni tulliuutuni tallimani nakuusernerit amerlassusaasa uuttorneqarsinnaasumik appartinneqarnissaat erseqqissumik siunertarissallugu, tamannalu siunnersuummi akuersereermermi kingorna aallartissaaq".*


Taama oqaaseqarluni isumaliutissiissummilu allassimasutut paasinnilluni siunnersuut ataatsimiititaliap aappasaaniigassanngortippaa.


---

Ateq  
Siulittaasoq


  
Agathe Fontain

  
Ateq  
Siulittaasup tullia  
Anna Wangenheim

  
Mikivsuk Thomassen

For  
  
Knud Mathiassen

  
Mette-Arge Hammeken

  
Jess Svane

  
Mala Høy Kukó





INATSISARTUT

Meeqqanut, Inuusuttunut, Ilaqutariinnut  
Naalakkersuisoq  
[ian@nanog.gl](mailto:ian@nanog.gl)

Ulloq: 29-10-2021  
J.nr.:01.38.01.03-00144

**Imm. 147 pillugu Meeqqanut, Inuusuttunut Ilaqutariinnullu Naalakkersuisup allannguutissatut siunnersuutaanut tunngatillugu Ilaqutariinnermut Peqqissutsimullu Ataatsimiititaliap allakkatigut apeqquteqaataa**

Ataatsimiititaliap imm. 147 suliaralugu aallartippaa tassungalu atatillugu arlalinnik allakkatigut apeqquteqaateqarniarluni. Siunnersuutaqaartup Naalakkersuisullu allannguutissatut siunnersuutaata assigiinngissusaat Ilaqutariinnermut Peqqissutsimullu Ataatsimiititaliamit pingaarnertut paaserusunneqarmat.

Siunnersuutaqaartoq imaappoq:

**”Inatsisartut aaliangiiffigisassaattut siunnersuut Naalakkersuisut peqquneqassasut aningaasanik immikkoortitsinissaannik persuttaanerup minnerunngitsumillu angerlarsimaffimmi persuttaanerup akiorniarnissaa ersarissumik anguniarlugu, inuiaqatigiinni 2025-mi persuttaanerit amerlassusaat ullumikkumut sanilliullugit 25 procentimik apparsimassasut. Paasisitsiniaaneq kingusinnerpaamik 1. august 2022 aallartinneqassaaq 31. december 2024-ip tungaanut ingerlanneqassalluni”**

Naalakkersuisullu allannguutissatut siunnersuutaat imaalluni:

**”Qanigisariinni nakuuserneq akiorniarlugu iliuusissanut pilersaarummik ineriartortitseqqullugit atortuulersitseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissanut pilersaarut nakuusernerup pitsaaliorneqarnissaanik ukkassissaaq aamma ukiuni tulliuttuni tallimani nakuusernerit amerlassusaasa malunnaatilimmik appartinneqarnissaat erseqqissumik siunertarissallugu.”**

1. Siunnersuutaqaartumi nakuusernerup 2025-imi 25%-imik appartinneqarnissaa anguniagassaassutut allaqqavoq. Naalakkersuisut allannguutissatut siunnersuutaanni allassimavoq “ukiut tallimat ingerlaneranni persuttaasarnerit annertuumik annikillisinneqassasut”. Nakuusernerup appartinniarneqarnerani suliniutit assigiinngitsut sunniutaat malinnaaviginiarlugit Naalakkersuisunit qanoq uuttuiniarpat aammalu qanoq iliuusissatut pilersaarut appariaateqartitsinnaanera qanoq uuttorniarneqarpa?

2. Siunnersuutaqqaartumi sullitassat tassaapput inuusuttut 15-t 30-illu akornanni ukiullit, allannguutissatulli siunnersuummi qanigisariinni nakuusertarneq pillugu allassimasoqarluni. Assigiinngissutaasup tunngavilersorneqarnissaanut Naalakkersuisoq qinnuigineqarpoq, aamma inuusuttut 15-t 30-illu akornanni ukiullit iliuusissatut pilersaarummi ilaatinneqassappat?
3. Iliuusissatut pilersaarummi inuusuttut 15-t 20-illu akornanni ukiullit ilaatinneqarpata suliniutinik immikkut ittunik sullitassanullu sammitinneqartumik paasititsiniaanermik Naalakkersuisut suliaqarniarpat?
4. Naalakkersuisut allannguutissatut siunnersuutaat akuerineqassappat suliniutit suut iliuusissatut pilersaarummi ilaassanersut ataatsimiititaliamit paaserusunneqarpoq? Ataatsimiititaliap pingaartumik matumani eqqarsaatigai timikkut, tarnikkut nakuuserneq aamma imaluunniit kinguaassiuutitigut kannguttaatsuliortarnerit aamma suliniutit sullinniakkallu assigiinngiaartut pisariaqartinneqarsinnaammata. Suliniutit siamasissuunissaat eqqarsaatigalugu inuit attaveqatigiittarfiinik atorneqarsinnaaneri pillugit Naalakkersuisut eqqarsaatersuutigisariaqaraa ataatsimiititaliamit ilanngullugu qinnuigineqarpoq.
5. Allannguutissatut siunnersuutip akuerineqarneratigut aningaasatigut allaffissornikkullu kingunerisassai Naalakkersuisut nassuiaatigisinnaavaat?

Apeqqutigineqartut qulaani taaneqartut (kalaallisut danskisut) allakkatigut **3.november nal.14** nallertinnagu akineqarnissaat ataatsimiititaliamit qinnutigineqassaaq. Akissuteqaat qarasaasiakkut ataatsimiititaliap allattaanut ([mika@ina.alla.gl](mailto:mika@ina.alla.gl))-mut aamma ([inatsisartut@inatsisartut.gl](mailto:inatsisartut@inatsisartut.gl))-mut nassiuunneqarnissaat qinnutigineqarpoq.

Apeqqutit qulaani taaneqartut – isertuussinissaq eqqarsaatigalugu – oqaasiinnakkut akineqarnissaat pitsaanerusoq Naalakkersuisut nalilerpassuk, ilisimatitsillunilu ataatsimeeqatigiissinnaanerup ullua ilanngullugu siunnersuummik piaartumik nalunaarutigineqartariaqarpoq.

Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu  
Inussiarnersumik inuulluaqqusillunga

Agathe Fontain  
Ataatsimiititaliap allattaa





Ilaqutariinnermut Peqqissutsimullu Ataatsimiititaliaq

[mika@ina.ala.gl](mailto:mika@ina.ala.gl)

Att: [inatsisartut@inatsisartut.gl](mailto:inatsisartut@inatsisartut.gl)

02-11-2021  
Suliap normua 2021 - 16171  
Akt. id. 18369457

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: [ian@nanoq.gl](mailto:ian@nanoq.gl)  
[www.naalakkersuisut.gl](http://www.naalakkersuisut.gl)

**Meeqqanut, Inuusuttunut Ilaqutariinnullu Naalakkersuisup imm. 147 pillugu allannguutissatut siunnersuut saqqummiussaa pillugu Ilaqutariinnermut Peqqissutsimullu Ataatsimiititaliap allakkatigut apeqqtai pillugit akissutit.**

Asasakka Ilaqutariinnermut Peqqissutsimullu Ataatsimiititaliami ilaasortat

Apeqqt 1: Siunnersuutaappaartumi nakuuserarnerup 2025-imi 25%-imik appartinneqarnissaa anguniagassaassutut allaqqavoq. Naalakkersuisut allannguutissatut siunnersuutaanni allassimavoq "ukiut tallimat ingerlaneranni persuttaasernerit annertuumik annikillisinneqassasut". Nakuuserarnerup appartinniarneqarnerani suliniutit assigiinngitsut sunniutaat malinnaaviginiarlugit Naalakkersuisunit qanoq uuttuiniarpat aammalu qanoq iliuusissatut pilersaarut appariaateqartitsisinnaanera qanoq uuttorniarneqarpa?

Akissut: Suliniutit ataasiakkaat toqqaannartumik nakuuserarnerup annertussusiata appariarneranut pissutaanersut pillugit uuttortaaniarneq ajornakusoortoq Naalakkersuisoqarfiup nalunngilaa. Iliuusissanut pilersaarummi sunniutit eqqortumik uuttortarneqarsinnaanerannut periarfissat suunersut misissorneqassasut Naalakkersuisoqarfiup kissaatigaa. Suliniutip aallartinnerani suliniummik taassuminnga uuttuinnermik suliaqartoqarsinnaanersoq ilaatigut misissuisoqassaaq, uuttuineq taanna ingerlaavartumik sunniutinik uuttuisarnissamut aallaavittut atorneqarsinnaassaaq.

Apeqqt 2: Siunnersuutaappaartumi sullitassat tassaapput inuusuttut 15-t 30-illu akornanni ukiullit, allannguutissatulli siunnersuummi qanigisariinni nakuuserarneq pillugu allassimasoqarluni. Assigiinngissutaasup tunngavilersorneqarnissaanut Naalakkersuisoq qinnuigineqarpoq, aamma inuusuttut 15-t 30-illu akornanni ukiullit iliuusissatut pilersaarummi ilaatinneqassappat?

Akissut: Qanigisariinni nakuuserneq pitsaaliorniarlugu iliuusissanut pilersaarummi inuusuttut angajoqqaallu immikkut ukkatarineqarnissaat Naalakkersuisut kissaatigaa. Inuusuttuni eqimattakkuutaartuni iluaqutaasumik aamma 15-init 34-inut ukiullit ilanngunneqarsinnaapput. Nalunaarusiami, *Kalaallit Nunaanni 15-init 34-nik ukiullit akornanni eqqarsartaatsikkut peqqissuseq aamma*



*peqqissuseq*” Naalagaaffiup innuttaasut peqqissusaannik ilisimatusarfianit, (Statens Institut for Folkesundhed-imit) suliarineqartoq, matumani Center for Folkesundhed i Grønland ilanngullugu, inuusuttunut taamatoqqissaaq ukiulinnut isiginnippoq aamma inuusuttunut taamatut ukiulinnut nalunaarsuutinit paasissutissanit nalunaarusiaq tunngaveqarpoq, ingerlaavartumillu uuttortarneqassalluni. Inuusuttut eqimattakkuutaartut taakku iliuusissanut pilersaarummi immikkut ukkatarinerisigut iliuusissanut pilersaarutip suliassaqarfimmi uppernarsaasersukkanik ilisimatusarnermik tunngaveqarnissaa qulakkeerneqarpoq.

Apeqquut 3: Iliuusissatut pilersaarummi inuusuttut 15-t 20-illu akornanni ukiullit ilaatinneqarpata suliniutinik immikkut ittunik sullitassanullu sammitinneqartumik paasititsiniaanermik Naalakkersuisut suliqaarniarpat?

Akissut: Ilaatigut inuusunnerpaanut suliniutit toraagaqarnissaat annertuumik siunertarineqarpoq. Iliuusissanut pilersaarutip ineriartortinneqarnerani susassaartut attuumassutillit tamaasa ilaatinneqarnissaat kiisalu suliassaqarfimmi ilisimasat ujarorneqarnissaat pingaaruteqarpoq. Taamaalilluni suliniutaareersut suussusersissavagut imaluunniit iliuusissanut pilersaarummi sullinniakkat qitiutillugit suliniutinik suliqaassaagut. Iliuusissanut pilersaarummi siuneqartarineqartut sunniutissatut kissaatigineqartut anguneqassappata, oqartussaasoqarfiit assigiinngitsunik suliallit akornanni suleqatigiinneq pisariaqassaaq.

Apeqquut 4: Naalakkersuisut allannguutissatut siunnersuutaat akuerineqassappat suliniutit suut iliuusissatut pilersaarummi ilaassanersut ataatsimiititaliamit paaserusunneqarpoq? Ataatsimiititaliap pingaartumik matumani eqqarsaatigai timikkut, tarnikkut nakuuserneq aamma imaluunniit kinguaassiuutitigut kannguttaatsuliortarnerit aamma suliniutit sullinniakkallu assigiinngiiaartut pisariaqartinneqarsinnaammata. Suliniutit siamasissuunissaat eqqarsaatigalugu inuit attaveqaatigiittarfiinik atorineqarsinnaaneri pillugit Naalakkersuisup eqqarsaatersuutigisariaqaraa ataatsimiititaliamit ilanngullugu qinnuigineqarpoq.

Akissut: Sullinniakkat iluanni assigiinngisitaartunik, kisianni aamma nakuusernernerik assigiinngitsunik immikkut isiginnittunik, suliniutinik assigiinngisitaartunik pisariaqartitsisoqassaaq. Sullinniakkat kikkuuneri apeqquutaatillugit, suliniutini ataasiakkaani susassaartut ilaasa nakuusernerit suussusaat marluk imaluunniit suussutsit arlallit kattunneqarnerinik naatsorsuutigineqarsinnaasumik misilittagaqassapput. Nakuusernerup suussusii assigiinngitsut tamaasa pitsaanerpaamik anguniarlugit susassaartut amerlasuut atorineqassapput. Oqartussaasoqarfiit, suliqaarfiit, ingerlatsiviit aamma suliffeqarfiit assigiinngitsut ilaatinnerisigut aamma suliassaqarfimmi uppernarsaatit pioreersut aallaavigalugit, nakuusernerup akiorneqarnissaanut atortutut atorineqarsinnaasutut iliuusissanut pilersaarutip suliarineqarnissaa



siunertarineqarpoq. Tassuuna naapittarfiit arlallit atorneqarnissaat  
kissaatigineqarpoq, ilaatigut soorlu inoqatinut attaveqaatit uani pineqarput.


Apequt 5:

Allannguutissatut siunnersuutip akuerineqarneratigut aningaasatigut  
allaffissornikkullu kingunerisassai Naalakkersuisut nassuiaatigisinnaavaat?

Akissut:

Iliuusissanut pilersaarummik allannguuaatsumik pitsaanerpaaq atorlugu  
pilersitsiniaraanni, taava oqartussaasoqarfiit assigiinngitsunik suliallit akornanni  
suleqatigiittoqassaaq, tamatumalu illiuusissanut pilersaarutip  
suliarineqarneranut malinneqarneranullu aningaasaqarnikkut allaffissornikkullu  
atitunerusumik aalajangersimasumik attaveqarnek kingunerissavaa.  
Taamaalilluni suliassaqarfiit assigiinngitsut iluanni aningaasaqarnikkut  
allaffissornikkullu pingaarnersiuisoqassaaq.

Inussiarnersumik inuulluaqqusillunga

  
Paneeraq Olsen